

'NA TUMBA SENZA 'N FIÚUR

**Là ..., in d'un cantùn dul Campo Sant,
gh'è lì 'na tumba da sàss grìs
pugià a sura, un vàas culùur di piànt,
erbàsc che in di crépp càscian radìs.**

**Lì dörma ul sögn du l'eternità un cristiàn,
mai un fiùr, 'n amìs, un visìn.
L'ünica cumpagnìa l'è 'na lüsèrta
a ciapà 'l sù rent al pôrta lümìn.**

**Ga pènsa la providènza
cunt un fulétt da vènt,
l'ha bufà lì dô röös da séda
vugà via d'un quai munüment.**

**I ha tirà sü 'na man pietùsa ...
pugià sü la tumba delicatamènt.
Mò anca lée l'è radiùsa
Par un fulétt ... un bôff da vènt ...**

Carletto BOSSI